



南溪集

初編

二

和16
653
2





南溪集卷之三

七言律詩

東郊迎氣

周代君臣郊禮成，東來氣色事逢迎。
日凌暘谷春堪望，風度丘隅鳥欲鳴。
殘臘難消頭上雪，百年易過夢中榮。
即今海內恩波起，童子猶知樂太平。

洛陽三月花如錦

是日韶光滿帝寰，紅阡紫陌錦徧爛。
幾家杖履迷花

去何處，絃歌被酒還。蝴蝶猶殘莊老夢，牡丹稍破貴
妃顏。洛陽自有春風別，行樂相追人未閑。

春雨邀客

細雨濛濛晝杜門，春風終日役吟魂。嘉賓偶有幽期
在，陋巷曾無珍物存。盛事開筵學文舉，貪情設榻擬
陳蕃。病餘童子須沽酒，吾向荒廚作晚飧。

擬雪後早朝

紫微尺雪瑞光寒，昧爽遶地鳴玉鑾。御柳風回舞綿
絮，官梅香動護衣冠。春機不日天顏暖，恩信有聲宮

漏殘。上苑新傳臨幸速，小臣何事辱相觀。

花林隱居

幽處何須容世人，獨栽花木寄吟身。園前不日桃披
錦，窓際無風梅作塵。千載交遊彭澤友，殘生保養武
陵春。此中自有琴詩酒，相遇諸賢莫厭貧。

田家春興

霖霖春來優渥然，村村落落起炊烟。荷鋤翁返西疇
外，齋餉童行南畝邊。濁醪苦茗生涯盡，暝日晴軒野
趣全。渠亦相逢無世上，農談依舊說豐年。

郊墟桃花

墟里天桃幾許年，不言蹊上簇人烟。若非玄觀劉郎後，應是武陵漁客邊。千載雄圖浮靄外，即今樂事隱倫前。春風未與王孫共，一犬寥寥吠暮天。

春曉遊嵐山

仙氣朝凝滿嶽霞，松間一望雪耶花。懸泉奏曲前潭岸，短棹乘春遠里槎。晨景雲深聞款乃，早行客少有餘鈇。賞心偶爲遺身世，此境知今屬我家。

擬送玄昇三藏入天竺

高僧本是大神通，五竺雲遊路不窮。阿耨池邊菩提月，拘尸城外涅槃風。多羅葉古存文字，耆者山深有老翁。今我法門無盡業，流沙蔥嶺幾年東。

正月初五上三峯

御前溪上此盤桓，楓樹春疎冰雪寒。三面峯高遺跡古，一房世遠舊崖殘。雷巖尚有神僧護，池水豈無靈物蟠。歸路山巔欲迷處，巍巍華表暮雲端。

春日田園雜興

二頃田園春既成，一官百里欲歸情。日長南畝餘蔬

南溪集 卷之三
食酒熟西疇饒菜羹薄暮村翁荷鋤返終朝烟雨著
蓑行來年時與去年勝屢使琴書自有聲

二
有年可樂舊邦畿春雨投閑晝掩扉田畯曾孫終不
怒嫩苗宿麥稍將肥耦耕分餉依荒隴獨釣收綸立
晚磯吹笛一聲烟火外落梅村裏牧童歸

春日過山村

村落從來好養真武陵洞口問何人一聲犬吠溪雲
外殘色花開流水濱山店炊梁猶賣夢野亭啜茗又

沽春此中應有長生事他日期吾卜隱淪

江樓避暑

萬頃玻璃絕點埃新晴濯熱坐樓臺模糊影外清風
動款乃聲中明月來乘興玉孫頻酌忘機鷗鳥數
徘徊自今更厭人間去此卜棲遲永不回

新涼入郊墟

竹樹風驚知蓐收又看大火向西流戶前對月涼逾
早燈下披書夜稍脩露冷羈人已疎葛蟲鳴怨婦忽
思裘郊墟偶有歐陽趣四壁蕭然添箇愁

可嘆年華去若流無能半百一虛舟陰陰芋葉新田
雨唧唧蟲聲古壘秋遠寺鐘鳴歸鳥噪荒村日落爨
烟浮坐來漸覺羅衣冷試撒蚊帷運卧籌

秋曉

廚下叟叟浙韻清幽人夢破轆轤聲荒園屋後艸蟲
噪殘月籬頭木槿榮秋報新晴殊爽快窻供曙色更
分明西山有約我將往晨爨令童齋遠行

早春登華頂山

第三第四二橋間雜選登臨華頂山女競新妝夸美
服士爭全盛耀紅顏巨鐘撞破浮生夢孤客迷離半
日閑象外更教春興別何須此去住京寰

江村烟雨

蓑笠扁舟獨釣翁江村盡日雨濛濛野亭酒熟添新
綠漁岸春闌多落紅望裏連山隔羅縠暮間遠水接
虛空幽人無限平生事渾在迷烟亂霧中

小池殘暑退

幾許人生換葛裘晚來減暑讀書樓滿池涼氣今朝

雨一樹新聲昨夜秋，冷露凝珠荷葉老。空潭沈璧月光浮，胸襟無復炎塵點。詩思唯融漣影流。

東山即事

小春乘暖上東山，華頂門邊少往還。樂事存時愁短景，幽棲有處羨餘閑。祇園黃葉金仙色，鷲嶺白雲天女鬟。滿目恢恢詩世界，風情別在夕陽間。

冬日小集賦殘菊

陋室由來容獨身，荒園叢菊似相親。殘枝低首繁霜曉，餘興題詩半日賓。老後尤無榮辱累，風前何有利

名塵請看晚節猶存志，三徑歲寒供幾人。

春日言情

桃李蹊前述鄙懷，春風嫋嫋鳥喈喈。逍遙林下于今伴，睥睨人間與古偕。蔬食菜羹三碗數，華書竺典一生涯。生涯我有安心藥，不用狐鳴賣道街。

春日送源子幹歸松前

故國松前萬里程，良隅日本大關城。重雲隔去盍簪友，積水餘來契闊情。風御南颿歸路易，山融北雪暮春成。鄒遊魯學斯年有，畫錦猶存君子榮。

新年偶成

幾度山中甲子成，悠悠華竺讀書生。餘寒領雪玄猶白，尺瑞護春陰。復晴鳥向丘隅繞，一曲梅開牖下最。多情新年益有催，歡樂何必斯民事利名。

東山晚步

浴後吟遊爽快哉，東山驟雨沛然來。二軒茶屋客新聚，雙樹林風秋已催。高岸納涼明月榻，中宵勸酒美人臺。阿郎興盡路奚自，爛爛燈華猶未回。

秋日伊蒿菴邂逅琳公

山東遊士日顛顛，才思如斯本卧龍。梅子熟時分手去，菊花開處與君逢。坐間結義人三傑，醉後裁詩韻二冬。文事吾曹同臭味，喜師千里曳吟筇。

冬夜書懷

四十年來一艸廬，天才鈍拙讀群書。古人風雅獨難得，希世文華君有譽。高會傾樽劇談後，數通擊柝永更初。今宵相喜吟交久，亂醉詩成誤魯魚。

歲晚道情

來往居諸一夢中，利名忽見白頭翁。有無生計胡爲

患多少交遊何若窮童子常嫌儋石乏主人屢厭杖
錢空僧房須理明年事況復津梁與世通

二
獨坐終朝待覺王幽棲事業尚無遑園梅已使春風
早野蕪新經臘雨長門下人稀龙守夜窻前油絕雪
生光孔懷晚歲寒兄弟困學孜孜在四方

雪中送人

霏雪今朝積又疑憐君萬里命吟簷囊中自有忘憂
物方外何無莫逆朋驛樹重重花六出馬蹄步步國

千乘生平相愛貧交道知爲高堂趣檄徵

須磨覽古

浦上風烟幾歲成左山右海弔源平雲峯遙望將軍
陣碑石空存公子名白日青苔埋殺氣黃昏紅葉滿
佳城霸圖可恨千秋後惟有波濤松柏聲

送宮北溟歸豐州

昨日聞君分手遄不知遠路馬耶船人歸四國九州
外鯤化南溟北海邊源戰平場行可弔松風村雨復
堪憐誰言定省餘閑少數問長安別後年

春日同賜谷先生月浦君登艸山訪義白師
不遇空如子見應席上觀舊作次其韻
獨咲迎春梅影淺稱心依舊竹風深藝園偶有因緣
熟禪定長無事物侵故國君行空歷日虛堂鐘動自
知音來遊更奈吟情懶此際誰憐費壁陰

梅柳度江春

一至江南望四隣風光自使客愁新早梅折得誰傳
信弱柳尋來獨見春徵官樽前憐俗物高情霞外憶
幽人忽聞長笛聲聲怨曲曲飄然落水濱

題百鳥啣花圖

忽脫簪纓與世遐山中夙夜著袈裟真風吹斷人間
夢瑞鳥啣來天上華三學挑燈傳萬里一音講法轉
千車如何和尚今多德抑亦因緣薰發邪

春日同諸子遊袋中菴

華頂之南紫陌東勝緣半日伴諸公一流鳴水音何
羽十念稱名聲尚宮寶地花開春似異高堂客醉興
應同不須此去求安樂世界從來在袋中

郊居夏晚

漠漠公田苗未肥，斯螽動股欲能飛。
頑婆向晚烹茶久，野叟乘涼種菽歸。
蔬食尤無方丈味，菜羹自免老年饑。
深邨酒美宜忘暑，醉嘯前川釣落暉。

長安秋夕用趙倚樓之韻

金風玉露火星流，極目淒其感素秋。
十萬民家新望月，九重帝子又登樓。
雁傳遠信聲何怨，笛送餘音人自愁。
今日尊鱸應是美，誰圖已作利名囚。

冬夜即事

管廟之邊洛水頭，主人卜市隱棲幽。
書堂雲起案前

筆學海濤高松上，醜濁酒三杯塵世遠。
清茶七碗道心浮，謝君好事能憐客。
沉醉相忘霜夜脩。

山莊冬景

王廚昔蓄謝家同一卧，三冬遊畫中。
鳥道凌雲隣寺塔，山嵐碎錦暮村楓。
賓醒主醉開花妓，笠往蓑來待雪翁。
這裡乾坤存樂事，悠悠世上莫相通。

冬曉殘月

夢底吟魂蝶護花，周公驚處月低家。
清光萬里兼霜落，寒影千條帶柳斜。
咫尺窗明童已起，上方鐘動鳥

初譁空閨不睡多情婦曉夜同君在碧紗

寄題無名菴

一菴無利復無名萬古今然寺北岷嶼嶺牛峯朝獻
嶽翻山琶水敵光城鹿都金郎相關近膽嶂柯巒良
嶠晴斯境知君韜晦久偶教秋月有家聲

試筆

節彼高山積雪融曾孫有事畝南東烟霞近日春須
樂霖霖連朝年欲豐義士寒梅開白眼仁人暖柳繫
青驄忽聞黃鳥如兒語催促新詩過苑中

題醉美人圖

自是紅桃自白梅阿孃宴罷在高臺殘妝學舞朝雲
起醉臉含情暮雨來中冓三年花醕酌上宮一夜夢
徘徊春愁不語無人問強理容儀復舉杯

美人放紙鳶

纖手乘春放紙鳶風繩百尺不堪牽柳容脚躡榴裙
亂螭首鈿傾蟬鬢偏休道傍無子都見寄言會有馬
鄉蹉盤桓竚立多嬌態思殺長安群少年

延命院即事

幽邃探來六院中，雨餘新綠畫朦朧。庭間藉艸投詩境，樓上褰裳入梵宮。白鷺青山塵俗絕，浮雲流水性情通。聲音觀了非人世，喜聽秧雞鳴晚風。

轉輪嵐

不退輪中精進鼠，因緣十二吾當語。誰憐小盜懈威嚴，獨惡鄰猫勞守禦。梁上懸來君子容，籠間食盡詩人黍。劇車千轉稍如疲，姑息何須殊愛汝。

竹夫人

鴻雁歸時唱離別，芙蓉開日寄慇懃。虛心方夜想夫

子，勁節勞媒迎。此君窈窕誰今存，妬毒清涼獨自出。塵氛秋風忽奪恩，情去薄命徒同班氏群。

賀壹州刺史莊林君七十初度

矍鑠天年世所希，先生七十信光輝。廚中自有旨甘肉，牀上何無輕暖衣。秦代青松曾不愛，淇園綠竹稍將肥。州人可賀孟嘗老，壹浦新教珠寶歸。

秋晴早起

新晴籬落槿花秋，早促行廚卜所遊。先向嵐山須采蕈，又臨桂水欲沽舟。曉鐘破夢蟲聲噪，殘月無雲雁

影愁時有家僮能祈米輓轆鳴外更叟叟

冬日會邨氏別業

從來佳境不相侵盛事喜君催盍簪大日山前藏世
界三星亭外占園林鹿鳴方夜賓初聽月出生寒鳥
數吟別有乾坤存莫逆流泉入曲主人琴

和川九淵再見寄

山僧無恙卧蒿萊荏苒居諸此幾回天未美人猶未
見籬邊寒菊獨空開重存遠信拖多事細和新詩愧
短才栗里先生今契濶不知何日語沈灰

石川翁登白雲山因賦贈兼賀八十初度

萬丈雲山護帝京一仙大耋試遊行雄飛偶曳竹筇
懶險步翻令木屐輕誰向虞淵悲短景獨經愛宕遂
長生羨君無盡藏中樂自是人間不朽榮

瑞光寺

開士幽棲少往還令名底事滿人間猗猗綠竹清風
動默默玄堂白日閑持律千秋懷乃祖寫真曠世拜
慈顏吾儕未果烟霞志早晚從師謝帝寰

脚爐

茶室今猶無是物書齋況復有其儀
宰予夢覺心如醉阮籍眠來目似飢
吁尔通家非竹婦何人卧内妬
湯姬慎乎惜漢相親久孫雪車螢兩可思

歲晚書懷

年年三百六旬間得失是非相積斑
誰逐浮雲忘白首獨臨暮景仰青山
可憐道路行猶遠無奈風塵拂
復還困學從前皆弊帚本來面目更何顏

次韻尾城川九淵見寄

名城郭裏玉玲瓏千里光儀凌眼中
錦繡開文華自

盛雲烟布宇氣何雄
遊只恨長江阻瞻望時憐斷
雁空今日難酬知己贈白駒為子秣山東

試筆

一劍從來不易磨
今朝四十二年過
維僧鑽燧依新竈
長老傳燈守舊窩
馥郁梅花春復富
紛紜世俗事何多
遷鶯獨似知閑散
早向東風發詠歌

春日書懷

寂歷芸窗晝稍長
沈吟未了步池塘
雨餘水面花塵落
風末雲霄鳥影藏
春宴新供家釀美
舊廚更使菜

義香都無痼疾堪生計一種乾坤隔大方

誰為經書愛日長獨將痼疾在閑房北窗漫擬淵明

宅東魯頻遊宰我鄉一樹榴花紅泣雨半池荷葉綠

牽涼愧吾性僻其昏睡修理寥寥糞土牆

竹堂主人席上有詩次韻

脩竹高堂大隱扉終年與俗往還稀書樓晝靜窺天

路蕉葉隱深試雨衣美酒含杯盟始結新詩得句筆

先揮主人閑適情何至自是清風暑欲微

送龍洲石翁之豐城

石老移家千彼豐國謀身計在其中仙帆一日三千

里壽域前年八十翁黃鶴先期歸舊梓白鷗後約伴

孤篷請君應有長生術再向人間遊海東

觀濤

激怒聲聲一淼茫誰驅萬馬此驤驤金風颯沓山形

動玉兔徘徊汐勢張乘筏何憂隔洙泗濯纓偶喜勝

滄浪江湖自古難為水但見鯤魚游大洋

遊南禪寺

南禪之寺久聞名，今日離宮見化城。寶樹歲寒山象
秀，鑿輿迹古木魚鳴。燈傳天下國師德，法崇人間僧
正情。借問飛泉路，奚自門前野店去。將行

追慕錦里木先生

天涯歲晏弔先生，應是仁孫孝思成。餘韻百年存事
業，流風一日有容聲。低枝欲折梅花早，長者難期月
色明。錦里依然今尚富，不知何處卜佳城。

甲子試筆

天錫豐稔甲子春，渥恩未必使僧貧。千山不見枕肱

容萬里唯看鼓腹，民米價廉廉無氣。勢錢聲赫赫有
威神，似而非者我猶愧。伯玉今年添一新。

春日懷舊

松風拍雨北邙，春春去春來何所親。不分梅花白如
雪，生憎柳朶細於綸。暮天只見雲千里，夢境相逢玉
一人。是日容聲未由聽，東邊獨有月光新。

和遜齋先生遊梅谿

春雨今朝晴不陰，聞君十里野梅尋。幽期半日人無
信，獨往新詩花有音。風末飛香疎雪墜，月邊結夢奮

溪深愛斯飄逸遊仙子掠畧羅浮自在吟

和獨鶴上人遊石峯寺

石峯古寺稻山陰祖忌設齋禪悅深般若堂前列鐘鼓真如海畔放魚禽名家本自饒珍物一味從來傳美音路向上方吾欲到無邊寒色襲幽襟

春日遊峨山

一笑先看一笑花即今君是舊通家新妝稍就朝雲起淡影移來暮雨加何處歌船携妓巧我曹詠盞釣詩華斯中己有如斯趣更覺人間世上遐

遊妙心寺

妙心之刹古松中深院回廊一路通畫墨書毫人灑落禪巖梵樹玉玲瓏殘花處處春應惜過客邊邊興未窮紅粉青蛾蘭麝袖高僧見盡又成空

七月既望泛舟琵琶湖

琵琶湖上大津頭萬頃烟波任去留明月猶存壬戌夕清風不減丙辰秋相追天下蜉蝣興但見眼前滄海舟莫道東方爲既白人生幾度是忘憂

寶樹寺

滿林霜色好於花，今日秋風第一家。布去黃金藏世
界，織成紅錦奪春霞。園前不掃高僧定，門外如期長
者車。名實依然兩相得，請看玉樹故無瑕。

歲晚書懷

飄飄一鉢又三衣，此去何門求所歸。林下梅開寒月
在，天涯歲晏故人非。菩提守業過殘臘，般若回頭望
落暉。更喜禪園春既報，款冬花體稍將肥。

試筆

棲遲幾度遇春回，愧我殘生勞短才。林下年年新寂

寞，世間事事舊塵埃。誰教道眼如深雪，獨有吟筇伴
早梅。咫尺丘隅鶯未囀，堯天是日負喧來。

賀尾陽勝野翁八十初度

欲折花枝愧細微，斯翁大耋益雄飛。餘年尚問曾公
酒，異日猶存萊子衣。李下道君頌壽考，籬頭南極讓
光輝。九如遙唱烟霞外，更羨名家齒德稀。

春日過故人舊廬有感

紅桃未發白梅殘，往事愁來淚不乾。野外尋盟人寂
寞，園前寄語鳥盤桓。暮雲一片高山遠，春樹千重落

月寒獨有琴樽同好，在年年空負舊交歡。

楓林晚景

楓林晚景牧之詩異日同工使我思二月花非霜葉
美斜陽影似彩雲奇天孫頌錦下民際長者布金西
土陞停得吟車猶坐愛請看盛興昔如斯

雪

由來滕六福邦家尺瑞今朝競麗華經過玻璃新世
界亂飛兜率早梅花玉屑隨風飄柳絮鹽塵落地疊
銀沙有年何啻私之事漠漠同雲天不邪

奉賀脫上人瑞世本園蘭若

法旆新臨大道場無邊瑞象雨華香慈雲忽起化城
郭惠日徐昇祖廟堂山色迎春堪獻壽德輝照世見
來祥維時五百歲中運天上人間共不忘

東寺池蓮

郁郁金剛世界邊名藍境古有池蓮一根誰是移東
寺絕品何須讓五天薰吹飄香消苦熱露光結玉寄
安禪此中自與人間迥不許西施泛小船

鴨川賞月

南溪集 卷之三
公私無雨熱如烹月下水邊人始生兜率開奩鷺峯
秀滄浪濯影鴨川清東涯笑語凌西岸十里流連至
五更既與嫦娥相約久容光不減惑陽城
山寺看楓
名巒寶刹路緜緜吟屐尋楓謁老禪霜葉欺花靈鷲
嶺夕陽曝錦化城邊梵王跡古黃堪布太子園深紅
欲然却覺使人生染著山鐘撞破晚風前

雪夜讀書

四壁無人竹有聲讀書半卷雪三更梧邊盛事今猶

舌戶外寒威重又輕茶鼎音微吟舌動紙窓影淡畫
梅橫坐來不啻王舟興獨喜孫燈次第明

試筆

大塊存吾勞此身多端惱殺世間塵夢場蝶去明窓
冷心地梅開白眼新時喜陽和催樂事却嫌禮法促
幽人一聲黃鳥來何早好向丘隅復賞春

送椒丘子之奧州

東風嫋嫋幾良辰此日聞君趣海濱花發九重城市
曉馬嘶五十驛亭春芙蓉峯上雪應好武藏郊邊月

欲新自是王孫耽著久烟霞不用駐遊人

水樓賞月

江樓一夜月娟娟萬頃秋風思渺然汀外波平明鏡
出渡頭客少白鷗眠高山不見暮雲際流水難期春
樹邊餘興殘樽猶未盡坐間回首是暮年

秋日遊雙林寺

古刹名山鴨水東雙林霜落簇丹楓溪邊老竹猶持
節樹下幽棲好望翁欲採黃花迷澗道慣開白社謁
阿公高僧一去秋何速遊侶相追興未空

試筆

新年無恙古靈場五百山僧朝覺王風轉經聲飄法
界雲開日色滿禪堂園林雪絕梅纔白澗谷春還鳥
尚黃可見昇平安宅裏紛紛人士共成章

春日江村

江村未是見憂愁漁活農生無外求野老誰家堪舉
網肥鱗幾處欲吞鉤花開夜月去來際酒熟春風多
少頭二頃田間今有事一時不用掉扁舟

春帆細雨來

萬里韶光烟水中輕帆送客雨濛濛波頭晚霧籠歸
鳥寺裏昏鐘落破篷人逐餘春去路遠花開故國今
年空暫時霖霖晴來否舟繫琵琶湖上東

夏日讀書

唔咿何啻事三餘長夏讀來華竺書新竹含風綠雲
密早荷泣露玉顏疎吟梧坐上多知己夢蝶窻前誰
起予今日猶存小迂雙獨忘苦熱樂於魚

碁局消長夏

清風綠樹晝如年一局彈碁忘午眠奇正交兵移數

刻死生入地向晡天群仙誰使携蒲鬪曠世唯令朽
斧傳助我兒童頻有眼傍觀偶勝幄中賢

竹窻聽雨

生平愛竹種窻前高卧尤宜聽雨眠誰與吾人同箇
樂獨將痼疾過餘年世間榮利夢之夢身後譽名烟
又烟滴滴簷聲此君下知音不減伯牙絃

水近微涼生

籬外溪泉洗暑流棲遲可樂讀書樓水深潑潑知魚
聚園古猗猗見竹稠篔為烹茶牽一脉荷因作飯採

三頭晚來新月殘螢影遠近凌波涼氣浮

蓮池新涼

新妝裛露立漣漪正是真妃出浴時微笑翻無傾國色遠觀已有絕塵姿清風薄暮香飄袖爽氣終朝涼透肌此日人間如火宅因君欲解舊吟頤

松涼夏健人

孤高獨立地仙翁百尺千年十八公偃蓋含涼雲鬣鬣蟠根避暑玉玲瓏怒潮聲落疎簾月清梵曲成新葉風覆鏤何唯歲寒友夏時更喜與君同

閑居待月

不知養浩又何鄉大隱卜來韜晦長北市南郊樓待月三秋一夜客盈堂悲哉聲入樹間爽樂只影浮杯上涼無價誰圖斯興貴新詩偶勝有相償

中秋待月

天上無瑕白玉輪今年孰若去年新秋同六十餘州月影異三千世界人風御婦傍飄舞袖露和桂際濕歌中幽期盛興吾贏得不下袁生瘦子鄰

聞蟲

青溪集 卷之三
唧唧啾啾幽草陰報秋咽露說愁心月邊幾處兼砧
響燈下相逢與客吟南戶偏令織手急四鄰忽使水
更深語聲不解人空睡天竺花叢雨也霖

秋雨中獨鶴榭亭見訪有詩次韻以謝

草萊深處老昏昏積雨人稀晝杜門是日相逢支許
輩幾時與聽伯鍾言頑婆走市提家榼童子烹茶傍
井垣葦竺從來同臭味高天只見一輪痕

登高對酌

登高獨似在吾儔世上偏無勞獻酬一醉相思千古

事兩人更酌百年秋茱萸各向髻邊插芳菊頻當杯
面浮山水于今尚全盛重陽幾度與君遊

嵐山觀楓

櫻花一自謝吟行十月尋楓春又成雲錦織來新世
界烟嵐畫出舊風情遺文堪見老萊服餘興難忘杜
牧名活活溪泉流不息此中頓使此心清

圍爐話舊

相逢一夜各圍爐話盡同遊多少殊往事回頭皆咫
尺餘年屈指共須臾竹窻領雪論王謝茶鼎生風談

陸廬何處，霜鐘聲隱隱，起開寒戶。月輪孤。

光隆寺小集

天涯楓落轉蕭森，蘭室磬歡更稍深。般若挑燈法談熟，風流練句雅情吟。坐中偶有新盟客，方外偏存舊識心。一味禪餐溫且美，無端春意動寒林。

湖山雪景

烟水模糊又至清，玲瓏嶽色轉分明。磯邊特立人之影，天外一通鐘只聲。湖發瓊奩新鏡出，山移螺髻白頭成。畫中吟棹浮游去，這箇塵埃渾不生。

冬夜對月

天邊月與地邊霜，霜月相看夜興長。凍韻腹詩休口舌，寒輝懷手對壺觴。一峯餘雪如屏立，千里故人非坐忘。試涉家園訪梅處，羅浮春色已新妝。

虛白齋小集

郭外無由見俗機，深村春近減寒威。日暄朱雀門西巷，蔬熟白鹽坊北畿。戶牖投閑憐客到，田園命駕待人歸。羨君原有古風在，夜夜幽棲不掩扉。

壬戌春謁菅廟

菅廟巍巍九百年今朝何幸謁神前春風遺愛梅花綻德行餘輝燈火然裡祀非唯徼景福肅雖有必順高天相追事業威靈遠勅使來臨北野邊

賦九月寒砧催木葉

萬戶新逢搖落時砧聲薄暮轉淒其去年西北有于役今日東南多所思風帶淡雲牽冷月霜經老葉墜疎籬家家早欲授衣處天外秋寒怨別離

南紀瑞龍師見訪且惠橘予不在賦此以謝

兼送其歸

謝君誠意細心新誰料此迎題鳳賓名果投來南海玉寶珠繫去大乘人含情更憶陸郎孝恨別徒憐社老身今日井瓶相上下不知何處又車輪

對月懷故人

故舊無人此幾年寒空一夜月娟娟清輝入戶屋梁冷遠影侵霜雁陣懸最恨青樽非往事何堪白雪奏鳴絃沈吟不寢破窓下唯見冰輪宛在天

上元立春

已除三百六旬舊更有上元今日新淑氣南山堪獻

壽晴光北闕好迎春早梅會為餘寒勒垂柳曾經積
雪綸遠近追儼聲勇猛乾坤不改老僧貪

早春登鳩嶺

賽神探勝路重重郎競冶遊孃只容淡靄濃霞妝遠
里餘烟殘雪裸喬松梵文寫去江天雁鯨韻和來山
寺鐘借問旗亭何處是暮寒袖手下中峯

和馬暘谷先生見寄除日作

十年一夢駛於河相憶相憐首欲皤設悅如今蓁葉
秀懸弧不日突冠多世情瞥爾豪華老雲路居然隙

駟適胡用登樓裁賦去丈夫未讓奮蕭何

春興

戶外鶯呼夢蝶驚今朝復有喜新晴南村北里花應
發西嶽東山我欲行謝妓相攜人幾興孔搏各醉月
深更暫時認得春風意大塊何須勞此生

春江晴望

晴江一望步遲遲吟弄韶華立水湄帆影猶看無靄
處鷗羣尚見忘機時漁人遷客滄浪古旅店斷橋楊
柳垂欲上高樓酌春酒扁舟更有在前涯

賦長夏江村事事幽

幽事江村清晝長，雨餘晚景發微涼。
野翁網向前汀曝，亭主帘招適客忙。
吹笛三聲何處牧，彈碁一局幾人堂。
此中可以爲漁隱，追得孤螢步遠塘。

東寺避暑

此日名藍只是東，爽涼引我密邦中。
池邊下榻人無熱，樹底烹茶松有風。
古塔雲晴山突兀，新荷雨歇玉玲瓏。
坐間一醉多清氣，林外回頭見晚虹。

歲暮和南海故人見寄

冉冉浮生何所催，各天歲晏思悠哉。
海南珠玉得人遠，庭上梅花傲雪開。
百計常違多病客，一時新就大賢才。
長安夙夜使吾苦，鳧水春風待子回。

歲晚道情

歲晏家園多早梅，雲晨月夜久徘徊。
誰追分外雲千里，獨酌生前酒一杯。
不許婆娘扶老病，何憂大馬乏良媒。
偶逢春信相驚處，強有兒童寄興來。

試筆

上方鐘鼓報良辰，更覺承平雨露新。
昧爽升堂陪古

佛疎慵設禮接嘉賓
丘隅忽破鶯兒夢
雪裏先開梅
萼春行樂今年猶未改
烟霞老却葛天民

夏日即事

積雨晴來晚眺宜
清風新竹綠猗猗
遠公社裏蓮應秀
陶令園中菊未滋
飛燕將雛勞舞袖
標梅結實護低枝
山僧偶喜廚邊富
一味禪珍童數炊

辛亥試筆

南山壽色復逢春
今日悲無由見親
禮俗堪嫌世間事
著衣難拂法中塵
丘隅日暖鶯聲早
屋後梅開鄉

信臻不啻承平呼萬歲
經營私喜帝城新

東山新雪

曾費黃金買雪裘
東山新似勝西丘
銀沙漠漠祇園境
柳絮紛紛華頂樓
醉人出沒迷夷險
饑鳥高低噪去留
詩料偏教斯處貴
即今堪與謝公遊

邊城冬詞

血戰歸來邊月寒
寒風吹斷幾刀瘢
國恩未報年將暮
鄉夢新醒淚不乾
絕塞探梅春信絕
殘鴻迷雪曉聲殘
已令心志如冰凍
誓斬單于謝築壇

園梅始開

家園新種數株，梅雪裏霜邊花始開。疎影當窓明月至，輕風襲夢暗香來。山僧吟處好供佛，官侶詠時將舉杯。是日幽棲春不減，羅浮盛興獨徘徊。

送大善上人歸肥後

高僧一別三千界，大業今成十二年。祕曲本知同調少，幽盟新結異宗賢。孤松關外清風遠，老鶴崎西明月懸。若有鹽梅美味就，麻裳會欲為君褰。

夏日遊宇治

日永長途行，又行野壤駐。客有茶烹幽棲偶，卜高僧跡一塔猶存萬乘名。至夜流螢怪星隕，吟詩朗月似秋清水村沽酒沽舟處，忽使吾人脫世情。

七言排律

歲晚道情

畫梅一幅窓前，月雨雪三杯。夢後醺幾處，幽人歲將暮。誰家債主券堪焚，雞峯赤菽烹糕暖兔道。清茶使客飲一鼎，松風和竹院滿爐炭火擬榴裙。愧吾大業津梁拙，謝我先生經濟勤。獨樂園中小迂叟，雙林樹

下老羅雲長遊印度持真偈時學支那論古文不用
 野干鳴利巷何圖師子吼名群黃金盡矣絕交起白
 眼開兮無賴分相遇李張今有見請看管鮑更無聞
 高山鼓得知音少流水奏來言志殷方外優游尚空
 息世間鞅掌最紛紜偶將四序栖遑事徒惜百年旁
 午曛昨晚來榆已逾邁後凋松柏獨慙慙回頭屈指
 遠巒嶺觸物傷心逝水濱惟為濁醪添小興復因痼
 疾待東君

南溪集卷之三終

南溪集卷之四

五言絕句

釋日綱知能著

早春野望

遷鶯聲欲近野象日春哉村外回頭處雪殘鄰里梅

三峯春曉

天外三峯秀朝來瑞氣橫餘寒花尚少處處聽遷鶯

早梅

一枝梅蔭蕾孤蝶夢徘徊誰料小園裏東君昨夜來

春曉

昨夜我沽酒，今朝誰起予。啼鶯如有意，夢破十聲餘。
烟雨村

孤邨春寂寞，一望雨如烟。白鷺投深樹，黃梁熟暮天。

山中即事

斜日荒村外，數程入亂峯。溪邊何所有，蕭寺暮天鐘。

古寺鐘聲

禪寂東林古，鐘鳴新月懸。餘音清梵裏，忽覺謝塵緣。

寒江獨釣

寒江回棹去，不覺我生浮。榮辱何邊在，漁翁本自由。

春閨怨

楊柳已垂絲，家書未發緘。去年即種菊，春艸滿慵艾。

青容殘梅

江南千樹落，江北一枝殘。漸作孤山雪，頓教春色寒。

天應

應松侯某大夫之需，寄題後樂園。一得園中趣，以歸天下仁。清風與明月，偶及芻蕘民。

山樓眺望

山樓人境外，眺望一幽乎。所斯烟景痼，豈懷夫帝都。

次韻瑞龍師

相逢風雪夜，啜茗坐爐前。心事纔言了，又論通別圓。

詠兔

天之生萬物，兩美不全常。是兔短前足，胡為令耳長。

南魚戲新荷動

清容如出浴，泥露冷香浮。風絕華搖動，偶觀魚鼈遊。

蓮

朝見蓮君子，亭亭露護華。清涼無限意，頓與世塵遐。

掬水月在手

明德誰求遠，聖源何所深。請看天上月，一掬水中臨。

山村觀楓

吟步路重重，荒邨與亂峯。丹楓看若錦，霜後為誰容。

賦人迹板橋霜

萬里行行客，故園歸去遲。橋邊多少恨，正是履霜時。

江上餘寒

流澌錦江漲，殘雪玉山摧。十里歸帆少，風寒多落梅。

魚上冰

昔甘輕暖事孝子，日兢兢永受天之錫。雙魚忽上冰。

廿廿 灾後有稚梅長才可三尺去年始著花尤為速
矣雅趣可喜因題小詩

枝生三尺樹花著六年冬玉骨休殘碎永懷君子容
題山下有蕨三狗子相戲圖

誰家獫狁獨獠群子狎焱焱寧與夷齊餓一聲休吠堯
冬嶺秀孤松

子子又亭亭寒巔獨立青如非首陽魄定是汨羅靈
冬曉

書燈到夜闌旭日易三竿茶粥吾珍味不知非伯鸞

題童子轉雪圖

千轉重難推一團凝不摧戲嬉欲弘道未設禮容來

詠虎

猛氣如難養怒號風忽生周郎何處在嗟爾獨縱橫

二

威風尤可畏自是獸王孫縱作閻魔禡休為羅刹禪

童山白雪

此此好瞻望天寒山益童簪纓君未著底事白頭翁

山茶花

後菊又先梅傲霜荒苑隈山人猶寂寞一樹報春來

此題瀟湘夜雨圖

夜雨瀟湘岸一燈孤傘行暗風吹不絕船客夢難成

阿浮圖觀音 以下三首西遊途中作

飛閣凌長海上方嵐氣雄征帆曾有戒未御十分風

益嚴島

華表浮波上鹿群遊市中儼然神女廟疑是到龍宮

廣島

廣城多美酒羈裏正堪沽計日長橋晚回頭片月孤

節後菊

昨日籬邊興今朝節後珍昨今花不減無復白衣人

東山路上吟

獨往雙林下幽期十月春偏餘曾點興復作舞雩人

寒州

百卉只凋傷歲寒何傲霜應維白駒秣未入美人筐

題西王母圖

三竊惡東方一觴憐穆王折來桃子欲寄那仙郎

安樂壽院

安樂城南院御陵一塔荒鳴蟬林木靜處處發微涼

獨往歲寒日尋梅迷雪村颼風叫天外濁酒在衡門

鏡中梅

鏡面全移月月中新種梅嫦娥本好事應妬羅浮栽

明鏡羅浮月照來梅一枝美人何處在香動舊冰肌

晚涼放舟

解纜楚江晚迎秋涼氣微三杯回短棹孤月發清輝

謝恕清來訪

同鄉又同學老隔水雲深數有知音贈未成圖報心

題獄卒彈箏圖

獄卒不無遑能令鐵杖忘新聲箏一曲應是獻閻王

哭興哲

之子舊知音空餘名與心遺衣寄吾去漸深淚痕深

孫真人

千金已著書一虎狎如驢國手又何處嘗來糟粕餘

布袋和尚

南溪集

卷之四

六

兜率本高天內監唯冷然一囊何所有包括界三千
 十金仲秋待月京師秋夜歸園中又所處皆來醉時
 天上開奩去人間舉盞來庾樓袁艇興千古一輪回
 昭君怨空翁公典公意不香吾去誰能與我秋
 丹青一誤君長此見離群漢殿千秋月胡天萬里雲
 忽以無雙玉遙投不類塵可憐青塚草未減漢宮春
 同德送迅上人湖水雲氣樓本吟音韻未效圖醉心
 津梁不遑坐君去一息息咫尺回頭處人間雨又風

廣澤觀月

天邊存隻壁池上現雙輪此亦如來影三身即一身
 靈池本有聲廣澤擅佳名世界三千月集而其大成
 天下無雙月無雙月一雙池邊秋欲盡疑是到湘江
 蔓藻浮籠壁澄潭動躍金人觀一雙月天未有私心
 五

廣澤三分月深秋二八昏今宵更何夕見此別乾坤
 隙駟非無進知君殿眾芳今朝涉園見翻著白衣裳
 伯玉寒庭菊傲霜今日開當年花一掬獻壽酒三杯
 春池波灩灩嫩柳綠依依是日只遊樂王孫歸不歸
 暑夜高堂宴東山月不遲頭風今欲愈相遇賦詩時

遊梅谿

尋梅携妓去醉欲作狂夫不識羅浮夢美人憐我無

春雪

陽春多白雪餘興使詩寒但恨新晴後凝華不足觀

和榭亭春雪

君詩本春雪雪未似詩皚便是先生物乾坤一酒杯

詠史

春晚山花落法談堪夏長親秋與月樂狎雪冬溪傍

田園樂

二頃田園樂只八旬歸去來兮種瓜門外南畝植竹

山陰右畦

同游谷共遊林靜金溪

十年有客

赤雲共世再於黃武二客賦外年蘇蘇有蘇蘇

賦平韻亦望於茲圖

天雲不粒不圖

日出林末一園人烹熟蘇十翅坐間蘇蘇無盡望於

南溪集卷之四終賞月

